



Osmanović ponovo pred sudijom

DJEVOJCI KIDANI NOKTI ZUBIMA ILI KLIJEŠTIMA

Oštećena adekvatno afektivno reaguje kada priča o zlostavljanju, plače, uznemirena je i njena priča je generalno autentična i ubjedljiva, riječi su vještakinje

U nastavku suđenja Abdiji Osmanoviću (48) iz Živinica, optuženom da je više od dvije godine 24-godišnju A. Š. prisiljavao na prosjačenje i zlostavljao, u Sudu BiH svoj nalaz i mišljenje iznijela je vještakinja Alma Bravo-Mehmedbašić.

Ona je kazala da je 25-godišnja A. S, žrtva robovlasnika Abdije Osmanovića, osoba sa lakom mentalnom retardacijom i koeficijentom inteligencije 56.

Strah

- Njene mentalne sposobnosti na nivou su djeteta od šest do devet godina, sugestibilna je i povodljiva, a zbog slabijeg razumijevanja nije u mogućnosti da se zaštiti od intelektualno superiornije ličnosti, navodi se u nalazu timskog vještačenja.

Pored toga, navodi se u nalazu, žrtva pokazuje simptome PTSP-a, uzročno-posljedično sa zlostavljanjem, kao i izraženu anksioznost, te strah.

- Oštećena adekvatno afektivno reaguje kada priča o zlostavljanju, plače, uznemirena je i njena priča je generalno autentična i ubjedljiva. Zlostavljana A. S. ne boluje od trajne duševne bolesti i može da bu-



Optuženi tokom privođenja

de vjerodostojan svjedok na sudu, navela je Bravo-Mehmedbašić. Dodala je da je nizak nivo intelektualnih sposobnosti žrtvu štiti od dublje traumatizacije ličnosti.

Svoj nalaz i mišljenje iznio je vještak sudske medicine dr. Zdenko Cihlarž. On je po nalogu Tužilaštva

BiH, 18. februara prošle godine obavio tjelesni pregled oštećene, pa je tako naveo i opisao veliki broj ožiljaka koje je našao na njenom tijelu.

- Ti ožiljci su ranijeg porijekla i ne mogu sa preciznošću odrediti njihovu starost, riječi su vještaka. On

je na žrtvinoj nadlaktici, podlaktici, natkoljenici i stopalu pronašao ožiljke okruglastog oblika, koji su, prema izgledu i karakteristikama, sa velikom vjerovatnoćom mogli nastati od ugašenih cigareta na koži. Vještak je naglasio i da su ožiljci na podlakticama mogli nastati od akti-

vno-odbrambenih povreda.

- Povrede desnog ramena i grudnog koša nastale su dejstvom nekog zamahnutog izduženog predmeta, pri čemu se ne može isključiti mogućnost da se radi o kablju, kazao je Cihlarž, dodavši da su tri povrede na koljenima mogle nastati od klečanja na sitnim tvrdim predmetima, te da je moguće da se radilo o riži. U nalazu se dalje navodi da su povrede dva gomja zuba sa odlomima krunica nastale najmanje jednokratnim djelovanjem tvrdim predmetom, moguće šakom ili stopalom, sa ili bez obuće. Vještak je kazao da su neke od povreda koje je našao kod oštećene šivane, te da je našao najmanje 24 ožiljka.

Oštećenja

Vještak je naveo i to da su nokatne ploče svih 10 prstiju ruku žrtve znatno skraćene ili nedostaju, a tkivo je zadebljano. Kako je pojašnio, to je moglo nastati kidanjem, odnosno povlačenjem kliještima ili čak zubima. Nastavak suđenja zakazan je za 18. februar, kada će, između ostalih svjedoka, svoj iskaz dati i oštećena A. S. **D. P.**